



Sarajevo, 8.5.2026.  
MEDIJIMA

## SAOPĆENJE ZA MEDIJE

### **Armin Redžić i Tahir Žustra dobitnici novinarske nagrade za najbolje priče o procesu pristupanja BiH u EU za 2026. godinu**

Dobitnici nagrade za najbolju novinarsku priču o procesu pristupanja Bosne i Hercegovine u Evropsku uniju za 2026. godinu, koju povodom obilježavanja Dana Evrope organizuje Direkcija za evropske integracije u saradnji s Društvom novinara BiH i UNFPA, su Armin Redžić i Tahir Žustra.

Armin Redžić nagrađen je za TV prilog „Godinu nakon poplava u BiH, bez podrške Evropske unije, malo toga bi bilo moguće obnoviti" koji je objavljen na BHT1, a Tahir Žustra za TV prilog „Potencijalne mogućnosti i prilike koje bi se otvorile pred Bosnom i Hercegovinom uslijed članstva u SEPA području" koji je objavljen na Novoj BH.

Nagradu i plakete su uručili direktorica Direkcije za evropske integracije Elvira Habota i zamjenica predstavnice UNFPA u BiH Marina Riđić, a u okviru ceremonije dodjele nagrade obratio se i predsjednik Društva novinara BiH Amarildo Gutić.

Ovo je sedmi izbor po redu, a nagrada ima za cilj ukazati na važnost uloge medija u procesu evropskih integracija i potaknuti novinare da istražuju kako proces pristupanja u EU utiče na svakodnevni život bh. građana.

Nagradu su ranije dobili Enisa Alibalić, Ermina Salihović i Ajla Ćehajić (2025. godina), Dženana Karup-Druško i Maja Nikolić (2024. godina), Arnes Grbešić i Selma Melez (2023. godina), Melisa Teletović i Denis Leko (2022. godina), Anel Nurković i Svjetlana Šurlan (2021. godina) te Tamara Ćuruvija i Marko Mlikota (2020. godina).

Direkcija za evropske integracije

\*Ova aktivnost održana je u sklopu Zajedničkog programa Akcelerator rodne ravnopravnosti, koji provode UN Women, UNDP, UNFPA i UNICEF, uz finansijsku podršku Evropske unije te vlada Danske i Švedske, u saradnji s Agencijom za ravnopravnost spolova Bosne i Hercegovine, Centrom za jednakost i ravnopravnost polova Republike Srpske i Gender centrom Federacije Bosne i Hercegovine.